

賢面陀羅尼  
大方等大集經卷第四十五  
隋天竺三藏那連提耶舍譯

日藏分護塔品第十三

爾時長老阿若憍陳如【ājñāta-kaunḍinya】白佛言：世尊！此日藏修多羅，長夜照明，說一切龍惡業果報不可思議，復說菩薩真實行法。佛言：如是！如是！憍陳如！此四天下有大支提聖人住處，若有眾生精勤方便，坐禪正慧，當知此處則為不空，如是福地，則為流布日藏法寶。何者名為大支提【mahā-caitya】處？此閻浮提【jambū-dvīpa】內王舍城【rāja-gṛha】中，聖人處所大支提者，乃是過去無量如來、無量菩薩、無量緣覺、無量聲聞，曾於其中修道滅度，今悉現有、當來亦然。過去諸佛，菩薩聖人，皆以此處付囑婆嚕拏龍王【varuṇa-nāgendra】，令使擁護，住持安立。我今亦欲令此處所光明久住，還以付囑婆嚕拏龍王。若有眾生能護我法，精勤方便，坐禪正慧，諸補特伽羅【pudgala-有情眾生】，應常守護，供給供養。爾時婆嚕拏龍王作是言：如是！如是！如世尊教。往昔過去迦羅鳩村馱如來應正遍知【krakucchanda-samyak-saṃbuddha】，亦以此處令我守護，供給供養，精勤方便，坐禪正慧修善法者為作檀越，我於爾時供給守護，乃至法滅。次復有佛，名羯那迦牟尼【kanaka-muni】乃至迦葉【kāśyapa】，亦以此處付囑於我守護供養，我於爾時供給守護，乃至法盡，亦復如是。彼佛法中如有佛弟子不受奴婢、僮僕、田地，以清淨心精勤苦行，如是一切，我皆守護，今日如來復以此處付囑於我住持守護。爾時世尊，復以西瞿達尼【apara-godāni】須彌山下何羅闍低羅山中聖人處所名曰雲盡，付海護龍王【sāgara-pāla-nāgendra】。時海護龍王白佛言：世尊！如是！如是！如世尊教。過去迦羅鳩村馱如來，亦以此雲盡聖人住處付囑於我，我於爾時守護此處，及佛弟子如法行者，乃至法滅。

爾時世尊，復以東尾提訶【pūrva-vidēha】須彌山下青鸞伽那山中支提聖人住處名聖人生，付嚩唎婆呼龍王【śaila-bāhu-nāgendra】。時彼龍王白佛言：世尊！如是！如是！如世尊教。爾時世尊復以須彌山下北脇之間華齒山中支提聖人住處名香峯牟尼，付緝車迦龍王【cicchaka-nāgendra】，乃至清淨法行比丘亦皆付囑。時彼龍王作如是言：如是！如是！如世尊教。過去迦羅鳩村馱如來，亦以此香峯聖人住處付囑於我，及法行比丘，守護供養，乃至迦葉如來，亦復如是，今日如來又以香峯支提處所付囑於我，我當守護。佛言：善哉！善哉！汝大龍王，如是能護我法，住持守護，汝是我伴，大善知識，如法檀越，一切眾生依於我法，國土久住，利益照明。爾時世尊復以西瞿達尼耶洲【apara-godānīya-dvīpa】中那焰牟尼聖人處所付囑彌利伽室唎灑龍王【mṛga-śīrṣa-nāgendra】，乃至法行弟子，守護供養，亦復如是。復以東尾提訶洲中呢迦羅陀蓮華牟尼聖人住處，付囑尾嚕鉢訖叉龍王【virūpākṣa-nāgendra】，乃至法

行弟子，守護供養，亦復如是。復以北鬱多羅俱嚕洲【uttara-kuru-dvīpa】中香峯炎聖人住處，付囑腹行龍王【uraga-nāgendra】，乃至法行弟子，守護供養，亦復如是。復以大海之中娑伽羅龍王宮摩尼藏炎牟尼聖人住處，付囑娑伽羅龍王【sāgara-nāgendra】，乃至供養，亦復如是。復以須彌山頂帝釋住處開華藏殿牟尼聖人住處，付囑藹羅哇拏龍王【airāvaṇa-nāgendra】，守護供養，亦復如是。復以此閻浮提中難陀婆陀那大德聖人牟尼住處，付囑德叉迦龍王【takṣaka-nāgendra】，守護供養，亦復如是。復以此閻浮提中鞞奢利善住牟尼聖人住處，付囑婆須吉龍王【vāsuki-nāgendra】，守護供養，亦復如是。復以此閻浮提中迦毘羅婆須都善香迦那迦燈牟尼聖人住處，付囑阿那婆達多龍王【anavatapta-nāgendra】，守護供養，亦復如是。復以閻浮提中摩伽陀國毘富羅婆伽牟尼聖人住處，付囑山臂龍王【śaila-bāhu-nāgendra】，守護供養，亦復如是。復以閻浮提中摩突羅【mathurā】國名愛雲炎牟尼聖人住處，付囑尾質多羅龍王【vi-citra-nāgendra】。復以閻浮提中憍薩羅國【kosala】名闍耶首馱牟尼聖人住處，付囑訖利彌龍王【kṛmi-nāgendra】。復以閻浮提中蘇波洛闍薩遮牟尼脂鄰陀羅名香牟尼聖人住處，付囑牟尼脂鄰陀龍王【mucilinda-nāgendra】。復以閻浮提中乾陀羅國名大利舍那若摩羅牟尼聖人住處，付囑伊羅鉢多羅龍王【elāpatra-nāgendra】。復以閻浮提內闍賓國中名宮宮摩尼佉牟尼聖人住處，付囑鄔波迦邏龍王【upa-kāla-nāgendra】。復以閻浮提中菴浮利摩國名億藏炎牟尼聖人住處，付囑阿波邏邏龍王【apalāla-nāgendra】。復以閻浮提中震旦漢國名那羅耶那弗羅婆娑牟尼聖人住處，付囑海德龍王【sāgara-guṇa-nāgendra】。復以閻浮提內鄔闍呬尼城【ujjayini-nagarī】牛頭山邊近河岸側，瞿旃檀那香【go-candana】大聖人支提住處，付囑多摩利婆達迦羅闍龍王【tāmaliptaka-rāja-nāgendra】，守護供養。此等大支提，皆是過去大聖菩薩、大辟支佛、大阿羅漢、得果沙門、五通神仙諸聖住處，是故過去一切諸佛次第付囑，欲令流轉怖畏眾生增長善根得菩提故。如是十方無量無數阿僧祇剎過去諸佛及諸菩薩，皆住於彼大支提處常加守護，令諸眾生惡業盡故，於未來世無量無邊阿僧祇剎，諸佛菩薩摩訶薩聲聞緣覺，亦復住此二十大支提常加守護，令諸世間增福德故，一切眾生惡業盡故。復次，一切菩薩摩訶薩、一切辟支佛、一切阿羅漢、得果沙門、一切五通神仙聖人，於此二十聖人住處大支提中常加護持，使一切眾生福德增故，一切眾生惡業盡故，如是過去一切聖人付囑如是二十支提。我今付囑亦如前佛，欲令一切流轉生死海中怖畏眾生得安樂故，堅固護持不散壞故。時一切龍受佛付囑二十支提聖人處已，作如是言：大聖世尊！我等諸龍多有障礙，貪嗜睡眠，如癡無異，一夜睡眠，當於人中二十一年。如是我等睡眠不覺，如有惡人及非人等，或水或火毀壞支提，我等或睡或飲食時，或復為世欲事時，以此等緣故，此之惡事，則不能却，是故我等於一切過去現在當來佛法之中成諸不善。爾時世尊告二十八夜叉將言：我今將此聖人住處付囑汝等，此二十支提福德住處，好加愛敬，精心護持。時二十八夜叉將言：敬順佛教，二十支提，如來付囑，豈敢不護持。但瞿旃檀那香山一處我等難攝取。時多摩利婆

達迦羅闍龍王即白佛言：世尊！如來今者以鄔闍城牛角峯山【go-śṛṅga-parvata】瞿旃檀那香山【go-candana-parvata】牟尼大支提處付囑於我，然彼國土城邑村落悉皆空曠，所有人民悉從他方餘國土來，或餘天下，或餘刹中，菩薩摩訶薩、大辟支佛、大阿羅漢、得果沙門、五通仙人坐禪力故，得彼等供養。瞿旃檀那香牟尼大支提處舊無眾生，一切來者皆從他國。世尊！此二十八諸夜叉將不肯護持，我今怪此，所以者何？以彼不護，我等諸龍得於惡名。佛言：龍王莫如是說，何以故？今有二萬大福德人見於四諦，從沙勒國而往彼住。以彼二萬福德眾生有大力故，於此瞿旃檀那香山大支提處，眾生恒來，為作供養；龍王當知，如是之時，恒不饑乏。又迦葉佛時，彼于闐國名迦邏沙摩，國土廣大，安隱豐樂，種種華果，眾生受用；彼國多有百千五通聖人，世間福田，依止其中，係念坐禪，樂阿耨多羅三藐三菩提。以其國土安隱豐樂，彼土眾生多行放逸，貪著五欲，毀謗聖人，起諸惡行，以灰塵土塗彼聖人，時諸行者受斯辱已，皆離彼國，散向餘方。時彼眾生見聖人去心大歡喜，以是因緣，彼國土中水天、火天皆生瞋忿，所有諸水，河池泉井，一切枯竭，時彼眾生無水火故，皆饑渴死，是時國土自然空荒。佛告龍王：我今不久往瞿旃檀那香牟尼住處，結跏趺七日，受解脫樂，令于闐國於我滅度後一百年，彼國土還復興立，多饒城邑、郡縣村落，人民熾盛，皆樂大乘，安隱快樂，種種飲食及諸華果無所乏少。時僧惹耶大夜叉將【saṃjaya-mahā-yakṣa-senā-pati】白佛言：世尊！如是！如是！佛言：大夜叉將！汝憶過去久遠事不？僧惹耶言：我念往昔迦葉佛時，此牛角山為聖人住處，迦葉如來亦於彼處七日結跏趺受解脫樂，過七日已從禪定起，我時到彼瞿奢陵伽山牟尼住處禮拜供養，彼迦葉佛亦以平等法行比丘，精勤方便，坐禪正慧，修善法者付囑於我。時祇利迦龍王【girika-nāgendra】白佛言：世尊！我誓於此瞿奢陵伽山大支提【go-śṛṅga-parvata-svayaṃbhū-caitya】所常護不捨，乃至佛諸弟子，法行比丘，精勤修善，不受畜者，我等守護，乃至法盡；若水若火，若龍、夜叉，若鳩槃荼，於彌勒佛時瞋忿作惡，如是時中，非我所護。佛言：善哉！善哉！龍王！若能如是發至誠心，保護我法，護持法藏，令法久住，是我真伴，是好檀越。是時座中有六十億菩薩摩訶薩并及十方餘佛刹中一切菩薩，皆悉來集娑婆世界，聽於日藏大授記經，聞已同白佛言：如是！世尊！我等從今常來於此四天下中牟尼住處禮拜供養，持種種華、種種幡蓋、種種金銀而以奉獻，亦復持此日藏授記惡業盡陀羅尼，如佛所說，廣為一切眾生而為宣說。我等今為利自身、他身惡業盡故，行菩提道，滿足六度。今此眾中有多億魔，及於無量阿僧祇天、龍、夜叉、阿修羅、迦樓羅、緊那羅、摩睺羅伽，悉在此會圍繞世尊。惟願如來以此二十牟尼聖人住處普皆付囑，莫使當來魔天、龍王、夜叉、羅刹、及緊那羅、阿修羅等生於異心，於此二十大支提處空無守護，令彼惡人及非人等興起破毀。佛言：善哉！善哉！善男子！汝莫怖畏。何以故？過去諸佛亦以此處付囑一切龍王、夜叉，我亦如是，以此二十大支提處，付囑諸龍及夜叉眾。所以者何？未來眾生多在八難，欲令彼等惡業盡故，薄慢心故，樂涅槃故，乃至資生所須飲食湯藥，無所乏故，風雨順時，華果茂盛，五穀熟成，常安樂故。以是因

緣，付囑諸龍及夜叉等，於未來世一切諸佛，亦於二十大支提處林樹經行，坐禪苦行，得阿耨多羅三藐三菩提，轉於法輪，乃至涅槃安置塔廟，及佛弟子法行比丘，四果聖人亦於彼住。一切天人，皆於彼處禮拜供養，多生功德，趣涅槃道。彼佛世尊，亦以二十大支提處及諸弟子，付囑龍王及夜叉等令加守護。善男子！我今為汝說一切惡心眾生悉得歡喜，亦得生於諸三昧力，亦除一切惡邪煩惱大授記陀羅尼呪。此陀羅尼過去未來一切諸佛加持隨喜，此呪能令惡心眾生得柔軟故，修一切福德故，令習惡人心歡喜故，一切福德皆成就故，種種大願達彼岸故，大智慧中安隱住故，得大聞持陀羅尼故，大方便智得究竟故，一切怨家生歡喜故，能除一切諸災患故，出大難故，離怖畏故，辦大事故，大諦見故，得大忍故，大智海中深遠入故，得四神足三摩跋提，能除一切諸惡見故，乃至能了阿耨多羅三藐三菩提故。即說神呪：

多地也(二合)他(引)阿摩阿摩婆嚩阿摩波利婆嚩三舍耶揭囉嚩(二合)波利婆伽那(二合)蜜多囉(二合引)蜜多囉(二合)舍囉拏耶(二合引)蜜多囉(二合)波利婆嚩(引)彌多薩婆耶尼嚕(引)馱三摩惹壤(二合引)那謨訖叉(二合)舍(引)恥耶(二合)彌(引)唎寫伽囉廡(二合引)波燃闍迦尾那(引)舍耶三摩(引)舍囉(二合)耶帝(引)囉(引)馱磅瞿囉摩捺磅瞿囉摩特娑(二合)唎埵嚩(二合)尾迦羅(二合)摩拏三摩(引)惹壤(二合引)那阿波嚩囉伽(二合)那(引)唎耶(二合)惹那摩(引)囉伽(二合)薩嚩多他(引)伽多(引)地瑟訖(引)那跋伽娑嚩(二合引)訶(引)

Tadyathā, ama ama bhāva ama pari-bhava saṃśaya garva pari-bhagna, mitra-amitra śaraṇya, amitra pari-bhava, amita sa-bhaya ni-rodha, sama-jñāna mokṣa śāṭhyam īrṣya garva upa-rañjaka vināśaya, sam-āśrayate rāddha, bhaṅgura mada bhaṅgura matsaritva, vi kramaṇa sama-jñāna apa-vargam ārya-jana mārḡa, sarva tathāgata adhiṣṭhāna bhagaḥ svāhā.

爾時世尊說是呪已，告大眾言：此陀羅尼亦名《賢面》，一切諸佛之所加護，能生禪定三摩提，能盡一切諸惡，乃至能了阿耨多羅三藐三菩提。若今現在及未來世大支提處，若有餘眾，或魔、或天、或龍、或夜叉、或復羅刹、或阿修羅、或迦樓羅、或緊那羅、或鳩槃荼、人及非人，或以水火種種惡事欲壞支提，汝等應念三世諸佛，念諸佛已，於彼眾生起慈悲心，誦持如是大陀羅尼，令諸眾生一切惡心悉皆除滅。若諸魔王及人非人等於如來所心不樂者，悉生歡喜，恭敬供養。時佛神力令魔波旬於自宮內即得安住，自然得聞此陀羅尼。聞此呪已即於佛所生歡喜心，得大信心。得信心已，啼泣雨淚，集諸眷屬作如是言：汝等一切諦聽！諦聽！我今於此大牟尼處得大忍心，不動如山。彼牟尼尊慈悲滿足，放大光明照一切龍、一切天人、一切修羅，我亦曾在彼牟尼所興造諸惡，今欲懺悔，受三歸

依，汝等若曾於佛邊作惡，今可懺悔，受三歸依。我今共汝等俱往見佛，禮拜供養，至心聽法，斷煩惱魔，入清淨道，離於怖畏，到涅槃城。時魔波旬與其眷屬八十億眾，前後圍繞，往至佛所，到已接足頂禮世尊，說如是偈：

佛兩足尊世中勝	自得寂滅亦教他	忍辱精進愍眾生	我等愚癡興惡意
不知過去諸業行	惟佛世尊能了知	苞藏國土內身中	令我心遠種種惑
三世諸佛大慈悲	受我禮懺一切殃	法僧二寶亦復然	至心歸依無有異
願我今日所供養	恭敬尊重世導師	諸惡永盡不復生	盡壽歸依如來法

時魔波旬說是偈已，白佛言：世尊！如來於我及諸眾生平等無二，心常歡喜，慈悲含忍。佛言：如是！時魔波旬生大歡喜，發清淨心，重於佛前接足頂禮，右繞三匝，恭敬合掌，却住一面，瞻仰世尊，心無厭足。時彼眾中有一魔子名加羅支，與其眷屬從座而起，到於佛前接足頂禮，長跪白佛，作如是言：世尊！云何名眼？為眼是色因緣？為色是眼因緣？乃至意法因緣亦復如是？佛言：善男子！非眼是色因緣，非色是眼因緣，乃至非意是法因緣，非法是意因緣。善男子！眼眼性空，眼識識性空。善男子！眼因緣眼識生，彼因緣故色可見；乃至意因緣意識生，彼因緣故法可知，非眼識可得。何以故？非餘處來，非餘處去，眼非常住，於三世中一切皆空。如是眼者亦非滿見，亦非減見，非和合見，非相離見，亦非相觸，亦不依止。譬如日出光照一切，其有窓處陽光皆入，照於壁上，而是壁光不作是念：我暗我明。此光非但獨在一壁及眾多壁，以因緣故有是光生，此壁及光，非合非離，因壁見光，而此壁光不作是念：日能生我；日亦不念：我生此光。何以故？日下山已，光亦隨滅，去處來處一切皆空，無一可見，以日因緣故能照耀見此光色，以光顯赫照耀因緣故得可見。於彼生識亦復如是，是內六入生外六入，亦外六入生內六入，外六入亦非因緣，內六入亦非因緣。何以故？彼此性離，亦非聚集，亦非和合，亦非依止，乃至內入外入，彼和合識亦非聚集，亦非和合，亦非依止。何以故？各不相持，境界離故。此法及識智慧知見諸行因緣，行因緣故有識，而此識生則三種行。云何三行？身行、口行、及以意行。云何身行？身行名為氣息入出，此名身行。彼息出入去來動作，彼此出入各不相識，新識若生，舊識不住，體性爾故，非聚集故，亦非異故，於如如中各不相依，虛空平等，風行空中，風亦非空，空亦非風。何以故？彼此不觸，各非境界，彼二皆空，亦不可說。何以故？相離相故，無增減故，不依此岸及彼岸故，第一義諦如如住故，此名身行。是故身行非識依止，亦非伴侶，非是和合，非是聚集，常不依止，相離相故。是識亦復非依止，身離和合故，此名身行。云何口行？口行二種，名為覺觀。云何是覺？何者是觀？於出入息生二種心，思惟憶念，是名為覺；乃至細心次生，如是漸除，得清淨心，亦名為覺。是覺依止出入故生，生已即滅，根塵亦復不覺，彼此境界相相離故，性相無故，乃至不可說其長短，此名為覺。何者

是觀？若有人觀冷相，觸身於是中行，或復熱相，一切氣息皆猶於風，彼風因緣，觀觸知者，此名為觀，各離境界，彼此離相，乃至不可說其長短，是名覺觀。云何意行？意行名思，云何名思？知一切法，乃至能知時出入氣息，非時出入氣息，知此出息非彼入息，知彼入息非彼出息，差別悉知，如是思量，知行順相，非行順相，此則名為彼風依止，如是二種不可得說。云何是思？云何心相？乃至知行差別作已，入涅槃道，過凡夫地，名出生死。於禪定中心能除却此則名思，如是風者，不去不來，彼意識中如是依止，眼如眼，乃至意如意各不相觸，三受盡已，名為聖人。如是善男子，非眼是色因緣，非色是眼因緣，乃至非意是法因緣，非法是意因緣。何以故？此二境界非遠非近，亦非聚集，亦非思量，亦非和合。何以故？不可說故，此岸、彼岸、中、不依止故，依實際故。佛說此已，是時魔子伽羅支二萬眷屬，曾於過去佛法中修行福德，皆得順忍。復有無量無邊眾生，亦於過去殖眾德本，或得初禪，乃至四禪，或有得於須陀洹果，斯陀含果，阿那含果，或有當來於小乘中為福種子，乃至當來辟支佛中得為種子，或復有發阿耨多羅三藐三菩提心。時彼眾中有六十頻婆羅【bimbara-十兆】龍，過去已來未曾值佛，今聞此法皆發阿耨多羅三藐三菩提心。時此三千大千佛剎大地六種震動、大動、遍動，一切十方諸來菩薩摩訶薩各得種種菩薩三昧，得三昧已各以種種寶、種種衣、種種香、種種花，散於佛上供養如來，作如是言：如是世尊不可思議，我等從昔來未曾見聞如是大集說此三昧力陀羅尼，此即釋迦牟尼如來第二利益轉妙法輪，我等今者於此日藏大授記鞞富略修多羅一心奉持，為諸眾生廣分別說。是時眾會魔、天、龍王、夜叉、羅刹、阿修羅、迦樓羅、緊那羅、摩睺羅伽、鳩槃荼、薜荔多、畢舍遮，現在集者，悉如是說：不可思議釋迦如來，能作如是利益眾生。各大歡喜，以種種音樂、種種寶、種種衣、種種瓔珞、花鬘、燒香、塗香，從空散下供養如來。是時娑伽羅龍王白佛言：世尊！惟願如來暫入海中，往我家內受我微供，憐愍我故，若佛如來至我宮者，我之眷屬一切皆得聞此日藏授記大陀羅尼。時娑伽羅龍王復白佛言：世尊！彼大海中一切男女，若得聞此大乘日藏大授記經，專心聽者得幾許福？佛言：龍王！若善男子以四天下滿中七寶布施如來，復有眾生具足聞此大乘日藏大授記經一心聽者，於前福德，百倍不及，百千億倍不及，乃至算數所不能及。大王！若有聽是甚深經典，其福難量。

爾時娑伽羅龍王復作是言：若佛世尊不入大海，我當抄此日藏授記大集經典置我宮中，以是因緣，於彼海中幾許諸龍福德增長。佛言：龍王！隨所有處抄此日藏大授記經，如法安置恭敬供養，則能獲得十種利益。何等為十？若有人能如法抄寫此經，一心供養，令其家內一切吉祥，若在眾中，得大自在，五穀豐饒，種種資生錢財寶物，悉皆具足。復次，龍王！若有宅內，或復眾中抄此日藏大授記經，抄已供養，於其處所，則有六十億菩薩摩訶薩，數來禮拜供養此經。以是因緣，種種惡事、鬪爭、疾疫、種種惡病、穀米貴儉、國土饑荒、他方賊盜、非

時風雨，一切皆滅。彼六十億菩薩摩訶薩白佛言：世尊！我當種種擁護供給令得稱心。復次，龍王！若有家內，或大眾中，抄此日藏大授記經，如法安置，彼帝釋天、及諸梵天、四天王天、二十八夜叉將并其眷屬、乃至大德天并其男女、娑羅娑陀天、牢固地天、善住樂天等，一切眷屬，皆至其國，日夜至心，常加守護，與其安樂。時帝釋天乃至善住樂天等聞是語已，作如是言：如是！如來！我及眷屬常當至心往護彼國。復次，龍王！若有居家乃至國土抄寫此經，福德天下，於過去世供養多佛，布施持戒，如是之人，往彼受生。復次，龍王！若有居家乃至國土抄寫此經，其中眾生精進勇猛，不樂五欲，常行檀那波羅蜜，乃至般若波羅蜜。復次，龍王！若有居家乃至國土抄寫此經，福田眾生常樂安住。復次，龍王！若有國土抄寫此經，其國常有種種善法如雨而下。復次，龍王！若有國土抄寫此經，其中眾生於十善業常行不捨。復次，龍王！若有國土抄寫此經，其中眾生常生慈心。復次，龍王！若有居家乃至國土抄寫此經，其中眾生常人天生不入惡道。大王！如是日藏大授記經，隨何國土如法抄寫，安置供養，數數讀誦，具足得此十種利益。何以故？若有讀誦此日藏經如說行者，彼福德聚於百劫中說不可盡。龍王！此日藏大集大授記經，如是甚深，能滿大願，能大利益。說是經已，十方佛刹諸來菩薩，到此三千大千世界娑婆國土，大集聚會，并此菩薩摩訶薩眾，乃至魔王、天、龍、夜叉、羅刹、阿修羅、迦樓羅、緊那羅、摩睺羅伽、鳩槃荼、餓鬼、畢舍遮、富單那、人非人等，隨分悟解，滿足於心，皆大歡喜，各設供養，僉然而住。

## 大集經卷第四十五

---

【經文資訊】大正新脩大藏經第 13 冊 No. 0397 大方等大集經

【版本記錄】CBETA 電子佛典 Rev. 1.42 (Big5)，完成日期：2007/12/13

【編輯說明】本資料庫由中華電子佛典協會（CBETA）依大正新脩大藏經所編輯

【原始資料】蕭鎮國大德提供，維習安大德提供之高麗藏 CD 經文，北美某大德提供

【其他事項】本資料庫可自由免費流通，詳細內容請參閱【中華電子佛典協會版權宣告】

---

公元二零一三年七月二十六日馬來西亞萬撓佛教會蔡文端轉譯及修正。

咒語再修正於公元 2014/8/30 日。